

COMUNICATO n. 461 del 04/03/2024

Traduzione in mòcheno

Der Argealpprais 2024 as keart en rèchte vurm za prauchen s bösser' vonk u'

[Mòcheno] De òrbetgamoas'chèft van Alpine Region schauk ofters iber der tema van bösserpraich, iberhaup bail de doin zaitn benn as va bösser ist men runt skòrz. Ver za verglaimern de lait as lem en de lander as toalnemmen en ARGE ALP, der Kanton Ticino - as haier president ist - hòt tschèrlt der tema van bössermittln abia hauptema. Der ARGEALPPRAIS2024, pet an prais va zbelf tausnt euro, bart enteressiarn van rèchte vurm za prauchen s bösser.

Der zil ist der sèll za gem bèrt en de projektn as leing en earste plòtz de guatn bösserpraich en de pèrng regionen.

S hòt zait finz en earste to van prochet ver za stelln vour de projektn.

De vourtschbinnen as barn kemmen u'ganommen mechetn sai' òrbetn van schualn, van vraischèftn, van privatn, ober s mechetn sai' projektn u'pfònk va de birtschèftbèlt (bèrkn oder "start up") ont istituzionen (Gamoas'n, Stòtt, Schèftn ont òndra dinstn). Zbischn de projektn vourstelln barn kemmen tschèrlt de pestn van an earste lokalschèrl, as derno an iatz dorf bart vourstelln en a international praisgericht. De doi bart tschern de pestn drai projektn ont de bart gem der prais as de 25 van schanmikeal 2024, bail der Zòmmtreëff van ARGE ALP Stòtt Viarer as bart se hòltn en Ticino. Der Trentin nimmp toal en international derkenn, as gip secks tausnt euro ver en earste prais, viar tausnt euro en zboate prais ont zboa tausnt euro en dritte prais.

Arge Alp ist an òrbetgamoas'chèft gagrunt as de 12 van schanmikeal 1972 ka Mösern en Tirol, pet en zil za stitzn de neat as enteressiarn ungefèr 26 milionen va lait. S sai' toalnemmer va Arge Alp s Tait Schlònt pet en Vraistòtt va Baiern, s Osterreich pet de Länder van Vorarlberg, van Tirol ont va Sòlzburg, s Baltschlònt pet de autonome Provinzn va Poazn ont va Trea't ont de Region Lombardia, de Schbaiz pet de Kantonen van Grigioni, van San Gallen ont van Ticino.

Der bando ont de vrogtoalnemm kòntt men vinnen as de sait: <https://www.argealp.org/it> .

Ibersetz gamòcht van Sprochtirl va de Tolgamoas'chèft Hoa Valzegu' ont Bersntol

(cdt)